


Quod in recenti Senatū Consulto Amantissimi

Patriæ, Studioſissimi Legum, Fide in Regem

Remque publicam ſpectatiffimi

# CONSILIARII CENSUERE,

Id nunc copiosius, quo universis Regni Ordinibus conſtare poſſit exponunt, declarant,  
lucique tradunt publicæ.



Us Regni Nostri in Curlandiæ, & Semigallia Duxatus, tam clarum est, ut iam supremum Regis Nostri, Reique publicæ in eosdem Ducatus dominium à nemine poſſit ignorari, tantum abeſt, ut in dubium revocetur. CAROLUS quoque Regius Noster Princeps, quam verus, quamque legitimus Curlandiæ Dux haberi debeat, quam nulli controversiæ obnoxio jure Ducatum hunc adierit, id pariter illustrium virorum invitis non ita pridem argumentis ostensum fuit.

I. Anno 1561. GOTHARDUS KETLERUS Cur-  
landiæ, & Semigalliaæ Ducatus supremæ ditioni SIGISMUNDI AUGUSTI, tunc magni duntaxat Litvaniæ Ducis sub-  
iecit, ea tamen lege, ut quamvis se deinceps Beneficiarium Clientem SIGISMUNDI sponderet futurum, Curlandiana  
tamen non sibi modo, sed posteris quoque suis stipularetur.

II. 1569. Idem GOTHARDUS KETLERUS iam  
Dux Curlandiæ, non Litvaniæ tantum, sed toti Regno, pro-  
ut Litvaniam, Poloniæ complectebatur, arcuore vincu-  
lo se Ducatumque suum adstringere voluit, ne unquam a  
corpore Reipublicæ separari posset, pactoque subiectio[n]is se,  
posterosque suos Poloniae Regum clientes perpetuos fore  
sancte pollicitus est.

III. Alterum iam abit sæculum, ut florens hæc Pro-  
vincia, suprema Regum, & Reipublicæ Polonæ ditione tene-  
tur. Ab eodem illo Anno 1569, succedentes longa serie Cur-  
landiæ Duces, juramentum fidei, quod præstare Serenissimis  
Poloniae Regibus, & Reipublicæ tenebantur ipsi, præsen-  
tesque semper præstabant, idque ad præscriptam horumce  
Ducatum regiminis formam. Quanquam postremus ex  
stirpe Ketleriana Curlandiæ Dux, extrema iam Senecta, &  
vergente ad finem vitæ curriculo, ea Reipublicæ indulgentia  
usus est, ut severa illa clientelæ in persona exhibendæ necessi-  
tate per Constitutionem Anni 1726. solitus fuerit, declara-  
tumque sit, eum si per Procuratorem suum id officium præ-  
stisset, Regi, Reique publicæ satisfacturum. Quia tamen  
non sine causa timeri tum poterat, ne jus Regni detrimenti  
inde aliquantum caperet, neve futuri Curlandiæ, ac Semi-  
galliaæ Duces, exemplum hoc, quo se ab obligatione in per-  
sona sua iuramenti præstandi eximerent, prætexere possent,  
provida ad futuros eventus circumspetione cautum fuit a

Repu-

Republika, ne lege solutus FERDINANDUS ullius in posterum prætextui, aut præjudicio locum daret suis successoribus, quo se vellent a personali Clientelæ professione vindicare. Serenissimus quoque Augustus II. reversali Anni 1731. ita suo Regnique sui juri præcaverat: *Declaramus hisce literis nostris, quod actus hic, nihil receptæ consuetudini, & solennitatē infeudationis ex pacto & Providentia in futurum præiudicare, nec pro exemplo reputari poterit.*

IV. Serenissimus Augustus III. cum eodem tempore, & Regno suo apud nos & publicæ Regni tranquillitati auspicatissimum dedisset initium, pace postliminio restituta, iis nos pacis fructibus cumulaverat, quos non nisi sub religiosissimo Rege sperare fas erat, nulla publica clades tam felicis Regni tempora funestavit: Nullam famem graviorremque sterilitatem experti sumus, feracioribus etiam campus, & indulgentiore in nos sub tanto Principe Cælo usi. Commerciis ampliatis locupletati, aucti opibus, in longa pace consenuimus. Nec poterant tanta felicitatis nostræ incrementa non mirificos in nobis grati animi erga optimum Principem sensus excitare. Hujus tantæ felicitatis, & quid Clementissimo Regi postea debituri essemus, præsensione factum est, ut Respublica in optimum Principem totum Curlandiæ negotium contulerit, plenissimamque potestatem obtulerit imponendi, quem vellet, Curlandis Ducem.

V. Antiqua serenissimorum Poloniæ Regum, cum magnis Moschoviæ Ducibus amicitia, tot fæderum tractatibus confirmata, tantum apud serenissimum Regem nostrum valuit, ut cum ab eo Anna Russorum Imperatrix pro comite Ernesto Bironio Ducatum Curlandiæ postularet, tantæ commendationi facilem se se præbuerit. Itaque serenissimus Rex usus jure suo sibi a Respublica Anno 1736. concessio,

Ducem Curlandiæ Bironum declarari fecit, plurimumque per id vetustis, quæ Regnum nostrum inter, & Russiam intercedebant fœderibus momenti ac roboris adiecit, cum tantum apud se auctoritatis Russicam commendationem habere ostendisset. Quum vero Comes Ernestus Bironius recenti Principatu munificentissime auctus præcipuis postea clientis fiduciarii muneribus, ad quæ iure gentium stringebatur, defuisse, cum auctoritati Reipublicæ, cuius apud eum, tamquam clientem prima ratio esse debebat, contravenisset, palam est eum, non modo in beneficentissimam erga se Rempublicam, sed in se quoque ipsum delinquisse.

In se ipsum, inquam, gravissime deliquit. Enim vero, quamvis Duces Curlandiæ Regum Reique publicæ Polonæ supremo dominio subiificantur, nemo tamen eos absolutos propemodum in suo Ducatu Principes negaverit, non quod supremi sint, aut a corpore Reipublicæ non dependeant, sed quod simillima absolutis Principibus Dominis iura possideant, iudicia in subditos exerceant, creent Magistratus, conferant, quibus velint, officia & subsellia, privilegia, immunitates, cæteraque, quorum concedendorum, collatam sibi per formam regiminis, habent potestatem, largiantur & concedant; Hac ergo tam fortunata Principis conditione posthabita, comes Ernestus Bironius, alieni Imperii obsequiis se se mancipavit, externæ aulæ Ministerio se totum tradidit, doni, quo maximo a Rege & Republica cumulari poterat excellentiam depresso, Ducatus dignitatem imminuit, & quod multo gravius est, nulla iuratæ fidei, quam Polonæ Reipublicæ debebat, ratione habita, simili iuramento se se Russorum obstrinxit imperio, seu spes omnes fortunarum suarum illuc transtulisset, seu sponte ea re iuri Reipublicæ derogare decrevisset. Criminis status deinde reus,

Russo-

Russorum Senatu iudicatus, damnatusque duodeviginti annorum spatio carcerem toleravit.

Gravius adhuc in leges Regni, & eius in Ducatum Curlandiae jura deliquit, nec unquam parcenda negligentia eius auctoritatem offendit, cum serenissimo Regi, eidemque Regno clientis fidem in persona non iurasset, nec eundem Ducatum jure clientis ipse, verum per Procuratorem duntaxat suum accepisset, in eoque præcipuas, quæ de creandis Curlandiae Ducibus sunt, leges violasset, quum æs alienum, quod bonis mensæ Ducis inhærebat, non solum non sustulisset, ut pacto stringebatur, verum etiam longe auxisset, in gentibusque debitibus Ducatum hunc Reipublicæ Polonæ subiectum oneravisset, quum denique iuramento fidei a statibus Curlandiae non recepto, auctoritatem suam minime stabili-  
visset, nec ipse per se Provinciam hanc gubernasset, nec ju-  
dicia suo nomine administrari curasset; Hæ causæ sunt, hæc  
sunt comitis Ernesti Bironii delicta, quæ ius illi omne ad  
Curlandiae Ducatum ademerunt. In mutuo enim dantis, &  
accipientis contractu, ut in eo, in quo de concedenda Bi-  
ronio Curlandia agebatur, quid obsecro spectari stet, quam  
conditionum utrinque stipularum executio, quam obliga-  
tio earumdem quamprimum exequendarum. Illæ igitur  
cum a Comite Bironio eum in modum, quem lex præscri-  
pserat, impletæ non fuerint, cum clientis fiduciarii muneri  
in re gravissimi momenti satisfactum non sit, quis non videt  
ius omne Comitis Bironii ad Ducatum Curlandiae, extingui  
& ita interire, ac si nunquam extitisset.

VI. Serenissimus AUGUSTUS III. feliciter nobis  
imperans demandatas partes sibi a Republica constitutione  
Anni 1736. explere, quam plenissime adnixus est, & pot-  
estate novi Curlandiae Ducis constituendi hac lege sibi con-  
cessa

cessus usus, Comitem Ernestum Bironum, sublato e vivis Fer-  
dinando Ketlero, Ducem creavit, eo tamen illi imposito  
munere, & diserte expresso, ut is pariter omnibus in acce-  
ptanda hac clientela conditionibus satisfaceret. Ex his ille  
cum præcipuas neglexerit, ea ipsa de causa, iure quocon-  
que ad Curlandiam certissime dicendus est excidisse. Ac-  
cedit, quod cum Russici Senatus decreto captivitatis ad vitæ  
tempora pænæ addictus sit, cum non ipse solum, sed eius  
posteri ad quoscunque gradus dignitatesque inhabiles de-  
clarati, ex eo quoque indubitate constat Russiam ipsam num-  
quam antea *Ernestum Bironum* pro legitimo Curlandiæ Du-  
ce agnovisse. Nam si illum iudicio suo, si sententiæ a se  
latae, & condemnationi subiecit, certe eum, non poterat  
tanquam Curlandiæ Ducem, verum tanquam Ministrum su-  
um, & subditum subiicere. Nam cum hoc extra omnem  
controversiam sit, Curlandiam, simul ac unanimi Ordini-  
num huius Ducatus consensu, in perpetuam Reipublicæ Po-  
lonæ ditionem concessisset, ad eandem Rempublicam sem-  
per pertinuisse, eandem Polonam Rempublicam, in huius  
Ducatus possessione, neque sub initium, neque succedenti-  
bus temporibus, ab ulla vicina gente turbatam fuisse, Du-  
catumque hunc, sine ulla vicini cuiusquam contradictione,  
aut allato impedimento possedit, quo pacto, quove iure  
fieri quisquam potuisse dicat, ut Russiæ Senatus Comitem  
Bironum, tanquam Curlandiæ Ducem iudicaret? atque e-  
tiam ad vitæ tempora duraturæ captivitati sententia irrevo-  
cibili manciparet? Quinimo, quod ob non impletas legi-  
bus Regni præscriptas conditiones nec sit, nec fuerit legitimus  
Dux Curlandiæ, comes Bironius, quodque is sit de  
eo Imperii Russici sensus, ipsa huius rei clarissimum docu-  
mentum Russia suppeditavit, quum Comitem Bironum, ni-

hil super hoc Republica, (penes quam supremum in Curlandiæ Duces dominium) consulta, nec consensu eius exquisito, illum iudicaverit, condemnaverit servum pœnæ, omnisque juris inhabilem declaraverit. Et tamen, (quod notandum) hæc eadem Russia, qua scripto, qua legatorum suorum ore Ducatum Curlandiæ indubitato iure Reipublicæ Polonæ subesse agnovit, agnoscitque.

VII. Voluit equidem Clementissimus Rex noster, ut est hominum malis depellendis unice natus, tam misero casu prolapsum Bironum relevare, nec destitit ad eum libertati pristinæ restituendum, regiam suam auctoritatem, præces etiam suas interponere. Sed in cassum humanissima Clementissimi Principis pro Captivo officia cecidere. Quinimo Imperatrix Russorum lege Anni 1736. salva, summo studio Carolum Regium Principem fovere cœpit, eumque Regi Patri sollicite admodum commendare; Utque commendationi suæ pondus adderet, suorum Ministrorum voce significavit, nunquam fore, ut Bironius libertati redderetur. Cum præterea Curlandiæ ordines continuis Regiam nostram Majestatem precibus fatigarent, ut vellet afflictis eorum rebus consulere, ut sublato miserrimo Anarchiæ genere, daret illis Ducem, quo duodeviginti annis caruerant, finemque tot malis imponeret, Serenissimus Rex tot malis impulsus, præcipue vero per legem anni 1736. iure suo usurpus, inhabilitate comitis Bironii solenniter declarata, omniq[ue] quod ex hoc fonte redundare posset impedimento sublato, Ducatum Curlandiæ serenissimo Princi Catolo contulit; Qui quidem novus Curlandiæ Dux omnes tam a lege in Curlandiæ subjectionis pactis requisitas conditiones, tam per communia de Feudis gentium iura necessarias, & iniunctas cumulatissime adimplevit.

VIII. Prodiere in publicum non ita pridem libelli quidam, tanquam a Ministerio Russico Ministris Poloniæ oblati, in quibus quamvis aperte dicatur Ducatus Curlandiae & Semigalliae Feudum esse Reipublicæ, ac proinde eorum collationem non a solius Regis Poloniae pendere arbitrio, quia tamen exinde perstringendi serenissimi Regis Nostræ quæri ultro videbatur argumentum, inferrique iniuriosa admodum consecutione CAROLUM Principem Regium sine omnium Ordinum, Equestris præcipue consensu, ac proinde illegitime Ducem Curlandiae renunciatum esse, id enim vero temere, & (ne quid gravius dicam) falso esse obiectum ex iis, quæ diximus, dicturive sumus, evinci potest. Quæcunque ad Ducatum Curlandiae, eius cum Regno unionem, eius Ducem a Rege & Republica declarandum, Ducisque gubernacula pertinent, luculenter de his omnibus, legibus iam inde ab anno 1579. latis, sed præcipue in formula regimini & in pactis subiectionis contentis, edocemur. Cuncta hæc Reges Poloniæ inviolate servaverunt, nihilque iis fuit antiquius, quam ut hæc Provincia ad præscriptum regeretur, novi Duces, nulli per legem injunctæ conditioni decessent, nec, nisi certissima data eorum exequendarum fide, Ducatum pro solenni clientum more reciperent. Ratio pri-  
mum proiectæ ætatis, tum illustrium in Rempublicam meritorum Ferdinandi Ketleri ultimi ex hac Domo Ducis valuit, valuit grata memoria, Ketleros fuisse, qui primi Provinciæ istius adiunctione Regnum Poloniæ ampliarunt, ut Respublica onerosiore cæteris conditione Ferdinandum his verbis constitutione Anni 1726. expressis solverit. Cui (Ferdinando) homagium, quale Constitutio Anni 1683. præscribit, condonando, ut illud, propter proiectam suam ætatem & singularia merita etiam per Procuratorem suum præstare possit, benevolē concedi.

*concedimus hoc tamen præcaventer, ne hoc privilegio successoribus  
eius uti liceat.* Vetusior vero Anni 1683. Constitutio, cui  
vel præprimis Keilerianæ Domus privilegia innituntur, solli-  
cite eiusdem istius conditionis securitati prospicit, expresse  
cavens, ne quod Ferdinando concessum fuit, *in sequelam,*  
*& præiudicium trahatur*, sed quotiescumque contigerit, no-  
vum Curlandiæ Ducem creari, is in persona sua, Nobis, &  
successoribus nostris, fidem iurare teneatur. Huic igitur  
tam diserte expressæ, toties repetitæ conditioni defuit Co-  
mes Ernestus Bironius, cum ad ius jurandum præstandum in  
persona non comparuerit, ære alieno præterea Ducatum  
non exemerit, sed maiore etiam Feudum Reipublicæ one-  
raverit, subsidia militaria a Ducibus Curlandiæ præstari soli-  
ta nec ipse unquam suppeditavit neve suppeditari possent,  
causam præbuerit, cum ingentibus debitibus bona mensæ Du-  
calis onerasset, sed ne ipsis Curonibus quidquam, quod de-  
bebat, Comes Bironius præstítit, eosque decepit, cum in eo-  
rum privilegia, iura, libertates, ut omnes ante eum Cur-  
landiæ Duces fecerunt, non iurasset, nec Eorum iuramentum  
excepisset; quo factum est, ut facilius isti, ad omnem Biro-  
nianæ iurisdictionis, nominisque ipsius memoriam abolen-  
dam processerint. Eum igitur in modum Curlandia vacan-  
te, & Comite Bironio primo quidem illegitimo eius Duce,  
deinde huiusc Ducatus ob captivitatem perpetuam prorsus  
inhabili, serenissimo Regi Augusto de novo Curlandiæ Duce  
constituendo cogitandum fuit, ad quod eum omnium Regni  
Ordinum consensu accessisse negari, nisi a manifestæ verita-  
tis impugnatoribus non potest. In confesso etenim est Re-  
ges nostros primum ordinem, primam supremam & nobi-  
lissimam Reipublicæ partem constituere, huic primo, & sum-  
mo Ordini reliquos duos omne suum ius potestatemque,

B

quan-

quantum quidem ad Curlandiæ Ducatum attinebat, plenissime concessisse, quodque ei semel concesserint, credibile est, imo certissimum nunquam id ad se vindicare voluisse. Sacra igitur Regia Maiestas, cum Constitutionis Anni 1717. habita ratione, in senatus Consilio Anni 1758. jure suo sibi concessu tunc primum usura, legem illam & potestatem in Carolo Regio Principe, executa esset, nihil egit, quam ut maiori parti Senatorum suorum subscriberet & votorum pluralitati sua quoque sententia suffragaretur. Nec poterat non multorum Senatorum in eum Principem consensu conspirare, cui ad Ducatum hunc, & Principe dignæ virtutes, & memoria optime de Regno nostro meriti Jagellonici sanguinis viam fecerant, consensui huic tamque legitimæ suæ electioni, ipse Dux Carolus grande momentum illico addidit, expletis Constitutionis Anni 1736. conditionibus, bonis, mensæ Ducalis, pignore liberatis jurejurando Regi, & Reipublicæ personaliter praestito, atque vicissim a Curonibus accepto, perpetua Ducatus huius cum Republica unione, & clientela firmata, Juribus Regis, & supremi Reipublicæ Dominii, ut Clientem Fiduciarium decuit, hactenus summa cum fide & integritate propugnatis. Ex tam legitima Serenissimo Carolo Ducatus huiusc collatione constare potest, quam Comitis Ernesti Bironii illegitima, & illegalis fuerit, qui quidem Comes Bironius, nullum privilegium, quo a personali juris jurandi exhibitione eximeretur, adducere potest, quod quamvis subsequeretur, legis, tamen formalitate omessa, ac consuetudine iurium Curlandiam concernentium spreta, nullius roboris esse poterat. Ut enim ratum quidquam sit, quod legibus trium Ordinum consensu sancitis adversatur, concipi nullo modo potest. Præterea cum totum fere sistema formulæ regiminis Comes Bironius funditus subverterit,

cum

cum ut iam toties inculcatum est, conditionibus lege præscriptis defuerit, cum id potissimum prætermiserit, cui vel præprimis illius ad Curlandiam ius inniti debuit, ruere omnino illud ipsum ius debuisse, ac re ipsa corruisse, imo nullum unquam extitisse manifestissimum est.

Contra Serenissimus Rex Noster, quidquid in causa Curlandiæ egit, egit omnia ex præscripto legis Anni 1736. nihilque in eo facio Clementissimi Regis argui potest, quod consensu prævio omnium Ordinum comprobatum fuit. Unde invicte responderi potest iis, qui ex eo, quod Curlandiam, ac Semigalliam non solius esse Regis Feuda dicent, derogare collationi in favorem Caroli Regni Principis factæ ausi sunt. Quamvis enim indubitatum sit, Curlandiam non a solo pendere Rege, at non minus certum est, lege comitiorum concessam potestatem diligendi pro lubitu, novi Ducis Curlandiæ, solum unice habuisse Regem. At, quanta optimi Regis in hoc quoque bonitas enituit? noluit ille iure suo, solus eligendo uti, sensu Senatus sui prius non exquisito, qui convocatus, ut quondam cum duobus insimul Ordinibus legis Anni 1763. auctor fuit, sic nunc ad eiusdem legis mentem censuit, nimirum Curlandiæ Ducatum, tanquam immediato destitutam Principe a solius Regiae Maiestatis pendere arbitrio. Quanta autem hic Senatus sensus Patriæ attulerit emolumenta, notius omnibus est, quam ut sit opus referre, illud tamen præteriri non potest, hoc Senatus consulto id Rempublicam nostram consequi, ut pro inidoneo ad Principis dignitatem Comite Bironio, illustrem Jagellonicæ stirpis hæredem, clientem habeat. Quod ipsum precipue consummata multis annis prudenter & egregia Status Curlandici notitia instructissimus Senator Palatinus Minskensis sua in sententia attigerat, cum de

celebri apud Curones iudicio (Ritterbanck:) loqueretur. Constat igitur serenissimum Principem Carolum Curlandiae Ducem, divinitus, quia e vicaria Deum in terris repræsentantis regiae Maiestatis manu, id sibi oblatum accepisse, quod vigore legis Anni 1736. ipsi conferri potuit, quod non consentiente solum, verum urgente etiam Senatu, quod flagrantissimis omnium votis exposcentibus, collatum est. Patriam certe universam hanc Regis & Senatus sui electionem ingenti studio probasse vel inde patuit, quod plurimi Palatinatus, id suis ad comitia legatis mandaverint, ut Regi serenissimo gratum animum ob Curlandiae Ducem Carolum Principem creatum, quam possent amplissimis verbis testarentur. Istud grati animi testimonium frequentissimus quoque Senatus multis vicibus iteravit, agnovitque ultro inauguratione Caroli Principis Regem optimum, nihil aliud, quam Constitutionem Anni 1736. implevisse, optimeque ea re de Republica fuisse promeritum, nihilque esse reliquum, quam ut dignissimus Equester Ordo in toto Corpore Reipublicæ coadunatus det plausum huic facto immortalem.

§. II.

I. Satis ut opinor abunde patuit, quam optimo iure Sacra Regia Maiestas innixa Constitutioni Anni 1736. Curlandiam Carolo Regio Principi contulerit, nunc præter superiora Senatus consilia postremi hoc Anno 1763. celebrati afferendum appellandumque esse censeo decretum. Quam paucis dissentientibus illud confectum sit, quanta in Patriam gratulatione, dici vix potest; quum complures ibi bene sentientes consensu unanimi nullum ius Comitis Ernesti Bironi solidissime evicissent, idque non ex constitutione Anni 1736. modo, verum adductis etiam, quæ jure communi præscribuntur clientum fiduciariorum officiis, taliumque officiorum

ciorum exemplis. Ut iam unicuique constare possit, ea quæ ad  
inabilitatem Comitis Bironii convincendam afferemus, non  
esse solum ingenii auctoris huius operis partum, sed potius  
gravissimi Senatus sensum & momenta.

2. Excitatus civili morte, & a viginti annorum Princeps  
exilio revocatus Comes Ernestus Bironius, nullo Regis Episcop:  
& Reipublicæ consensu exquisito, vi & armis Cracoviensis  
diaæ & Semigalliae Ducatus sibi vindicat, quorum legitimus  
possessor nunquam fuit, nec esse potuit. Etenim  
iuxta ius commune, non expletis conditionibus Possessor non di-  
citur possidere, & ideo non competit ei restitutio, si deicitur de  
illa possessione. Quod quidem tanto fortius hic urgeri po-  
test, quanto clarius est hanc legem diserte Comiti Bironio,  
in eius diplomate fuisse impositam Anno 1730. ut permaneat,  
in omni fidelitate, & subiectione, erga suam Majestatem, & Se-  
renissimam Rempublicam. Cui conditioni ille, quantum in  
allo fuit contravenit, quum se externæ aule ministerio addi-  
xerit, ubi in eum iure vietum condemnatumque primo ca-  
pit is pæna lata est, deinde, quamvis hæc in perpetuum exi-  
lium commutata sit, in iure tamen hoc immutabile esse, com-  
pertum est, non tantum naturali, sed etiam civili morte finiri  
mandatum, & privilegium extingui.

3. Extremo supplicio, vel captivitate perpetua con-  
demnatis, potest quidem a supremo Principe aliquantum  
de pænæ severitate detrahi, & vel vita concedi, vel exilium  
condonari, at ut tales in integrum restituantur ita quidem,  
ut antea infames, proscripti, capite deminuti, rursus suo pri-  
stino honoris, existimationis, & famæ statvi restituantur, hoc  
enimvero esset probrosum iis, quibus cum talibus usus ali-  
quis, vel consuetudo vitæ intercederet, qui enim est semel  
servus pænæ declaratus, hic idem est omnium dignitatum

perpe-

perpetuo inhabilis. Et quamvis concederetur, ut fortassis concedendum est, supremis, & absolutis Principibus esse ius eiusmodi reos ita in integrum, & in solidum restituendi, ut ad honores quoque ac dignitates admittantur, fieri tamen nullo pacto potest, ut ad aliud quoque Regnum tale eius modi hominum beneficium extendatur, utque alibi quoque suæ in integrum restitutionis gratia fruantur, fieri inquam non potest, ut non ita pridem captivitatis squallore obsitus ad Principis dignitatem evehatur, præsertim si ad eam spretis omnibus eius obtinendæ conditionibus contendat, si, quod intolerabilius est, unde infami pæna excidit, eo vi & armis externæ potentiae evehatur.

4. Quod Comes Ernestus Bironius non ad præscriptum legum feudalium Dux factus sit, evidens est, Palatinus Poshaniensis. Feudorum enim eorum præcipue, quibus nulla tributa imposita, (ut nos observata semper Germanorum circa Feuda praxis edocet) Feudorum inquam omnis ratio tribus his conditionibus semper fuit, nimirum, supremi Domini solenni agnitione, subsidiorum militarium præstatione, & prompta vicissim eorum executione, quæ Patroni fiduciariis suis clientibus debent, ac spondent. Ex harum conditionum utrinque observantia exurgit ille, qui est Patronum inter, & Clientem nexus, rumpitur vero una ex his deficiente. Has conditiones olim, dum feuda temporanea erant, modo in annum, modo in tres stipulari, & stipulationem renovare necesse erat, ea indita nova stipulationi forma, inquam utræque partes convenissent. Posteaquam verso Feuda hæreditaria invaluerant, illico iuris iurandi, & obsequii Patronis exhibendi ratio alia esse cœpit, ita quidem, ut reiecta novæ semper instituendæ pro obsequio exhibendo formæ & ritus consuetudine, firma iam & stabilis consti-

constituta sit, ad omnes clientes omnibus supremis Dominis  
insolubili conditionum servandarum nexu constringendos.

5. Lex illa, quæ feudorum collationem concer-<sup>Palatinus</sup>  
nit, quæque ei, qui primus feudum posteris illud suis <sup>Califfien-</sup>  
<sup>fis.</sup> transmissurus accipit, ineluctabilem pro officio clientis q  
exhibendo in persona comparendi obligationem impos-  
nit, lex, inquam, hæc communis totius Europæ recepto  
usu confirmatur. Constat quoque totam Curlandiaæ guber-  
nandæ rationem Nostris legibus accuratissime descriptam  
esse, immutarique illam sine Republicæ gravissima offensi-  
one non posse, multo minus tolerandum esse, si in eiusdem  
Curlandiaæ aut regendæ, aut conferendæ iura temere quis-  
quam involaret. Præter ea, ut res evidentius pateat, adden-  
dum est, id quod nemo inficiabitur, dantem inter, & acci-  
pientem illud omnino intervenire debere, ut non solum dans  
plenam habeat dandi facultatem, verum etiam accipiens  
accipiendi. Usque adeo quidem, ut dantis voluntas nihil  
profit, si is, qui accipit, maneri quod sibi offertur, accipi-  
endo non idoneus est. Inde in omnibus Regnis controver-  
sarum rerum resolutiones petuntur, inde quoque in causa,  
præsenti concludendum est, ut Feudum hoc excedente e vi-  
vis Ferdinando, alteri conferri posset, non solum in confe-  
rente ius legitimum ejus conferendi, verum etiam in accipi-  
ente idoneam personam requisitam fuisse.

6. Et Rex quidem serenissimus, quin potestatem no-  
vi Curlandiaæ creandi Ducis habuerit, dubitare nos toties  
iam laudata Anni 1736. Constitutio vetat. Huic legi trium  
Ordinum consensu latæ, qui in Senatus Consilio obrectare  
ausi sunt, non intelligo, qua ratione temeritatem defendant su-  
am. Executionem enim legum, eiusque rei curam, non  
censuram Maiores Nostri Senatus Consilii munus esse volu-  
erunt.

erint. Condere leges Reipublicæ est, nostrum servare, & exequi. Lex igitur Anni 1736. quod effectum suum in Comite Bironio non fuerit aſſecuta, Status certe illius tunc, & ex Statu proficisciens gubernandæ Curlandiæ inhabilitas impedimento fuit. Primo enim Domino fidei, & obsequii iureirando obſtrictus, qui fieri potest, ut alteri incorruptam atque integrā ſervet fidem? Fuerit Comes Bironius quantumque auctoritate apud exteros, dum tamen alieni iuris eſſet, Poloniæ Regis Cliens eſſe non poterat. Duces enim Curlandiæ nullius, præterquam Regis, & Reipublicæ Polonæ potestati obnoxii eſſe, nullius, præterquam ſupremi ſui Domini iudicio ſubiacere poſſunt. At Comes Ernestus Bironius per Russicum Ministerium criminis Status reus, damnatus, perpetuoque exilio cum omni ſua posteritate multatus fuit. Ullumne igitur potentius ad convincendam Comitis Ernesti Bironii poſſidendæ Curlandiæ inhabilitatem argumentum deſiderabitur; An aliquod tam indubitatum cuiusquam ius eſſe potest, ut non morte civili illico extinguitur? Talis igitur mors cum Bironum vitæ civili eripuſſet, & eripuſſet nondum expletis ab eo conditionibus, quarum executioni ius eius nitebatur, an non is ea de cauſa ad Ducatum Curlandiæ inhabilis eſt dicendus? præſertim cum hoc omnium iuris interpretum unanimi conſtet ſententia: Contractus in fundamento cuiusquam implendæ conditionis initos, illa non impleta eſſe & haberi irritoſos.

Palatinus Lancieri- enſis. Cui rei vel maxime in hac cauſa nitenduni eſſet, ſunt certe clarissima illuſtrium iuriſuſultorum de feudis testimonia, ut Grotii, Hornii, aliorumque Feudum, & beneficium ex benevolentia datum, proprietate Domino retenta, uſufructu translato, in ſuſcipientem, eiusque Hæredes ex pacto. Item: Feudum eſt ius utendi, fruendi

aliena

aliena re immobili, vel incorporali, quae immobili comparatur  
ex benevolentia Domini, sub conditione fidei, & obsequii conces-  
sum. Addunt iidem ulterius. Si quid faciat vasallus non  
faciendum, aut non faciat faciendum, quod utrumque aestimatur  
ex conditione fidei a vasallo praestandæ Domino, Feudum amit-  
tit. Deinde: Per non adimpletionem pacis ex parte vasalli er-  
ga Supremum Dominum, quod ex conventione in investitura ad-  
iectum fuerit, Feudo privatur Vasallus. Præterea adiungunt.  
Si non serventur pactiones Feudo instituendo adiectæ, quamvis  
supererataneæ, privatur Vasallus Feudo. Verum ultra hanc  
conditionum non impletarum causam, ob quam merito  
Feudis suis Vasalli excidunt, quæque ex ipso nexu Feudali  
effluit, sunt aliae quoque non paucæ, ut primo Crimen Felo-  
niae, quum Fiduciarius Cliens insurget, vel quidquam nocu-  
menti assert seu per se, seu per subordinatas personas su-  
premo Domino. Consistamus hic paulisper, Comes qui-  
dem Ernestus Bironius crimine feloniae proprie dicto delin-  
quere minime potuit, quum ob præcipuas clientis fiducia-  
fui conditiones neglectas, nunquam legitimus Curlandiæ  
Dux fuerit. Sed etiæ eum talem fuisse, quod eius causæ  
Fautores pertendunt, concederetur, tamen manifestum esset,  
eum ob crimen feloniae, quodvæ in supremum Dominum  
rebellis extiterit, iure omni suo excidisse. 2do Feudum a-  
mittitur, ob maximam, & medium capitis diminutionem. pri-  
ma tunc contingit, cum Vasallus & libertatem, & bonorum  
proprietatem, & famam amittit; altera est, cum libertate  
duntaxat salva, famæ tantum & honorum iacturam subit.  
3tia amittendi feudi causa est, cum vasallus, nihil quidem  
ipse in supremi Domini Maiestatem delinqvit, at causam  
præbet inimicitarum, offensionumque inter suum Dominum,  
& vicinum aliquem Principem, quem amicum habere Dire-

Eti eius Domini plurimum interest. Nam: cum ob culpam  
Idem Pa-*Vasalli*, tertius irritatus nocet Domino, *Vasallum Feudo priva-*  
latinus *ri posse.*  
Lancici-  
ensis.

8. Jam igitur ex Feudali omnium Gentium iure, ex magnorum scriptorum clarissimis testimoniosis facile constat, quid de hoc Curlandiae Ducatu, quem Vasallitio iure obstricti Duces semper regebant, cogitandum sit. Inde facile inferri potest, legem Anni 1736. primum in persona Sere-  
nissimi Regii Principis Caroli Curlandiae Ducis, ad effectum deductam esse, qui impletis, quae requirebantur, conditio-  
nibus, omnibus & Regni, & communibus hac de re legibus  
satisfecit.

9. Longum esset omnium tunc Senatorum præcla-  
ras afferre sententias, satis erit illustria eorum nomina, in-  
fra ad finem Resultati Senatus Consilii adiuncta perlegere.  
Neque dissimulandum est, tres duntaxat pro Comite Ernesto  
Bironio palam sensisse, totidem fuisse, qui nullarum partium  
essent, nec defuisse, qui ob tardum adventum nullam dixe-  
re sententiam. Verum qui diligentius rem velit inspicere,  
si Resultatum Senatus Consilii Anni 1758. adierit, inveniet  
ibi non Eorum modo nomina, qui nunc tacent, verum Eo-  
rum quoque, qui cum nunc pro Comite Bironio nitantur,  
antea Caroli Regii Principis disertissimi Propugnatores fuere.  
Nec ista animorum mobilitas mira cuiquam videri debet, co-  
gitanti præsertim, nondum usquam terrarum tam felicem  
exitisse Rempublicam, quæ omnes semper in omnibus ci-  
vies consentientes haberet. Ut eodem in Patriam amore  
ferantur omnes, eodem studio leges prosequantur, non est  
ulli ex hominibus constitutæ Reipublicæ concessum. Imo  
nihil tam frequens est, quam ut legum sensum ad libidinem  
suam, & privata commoda multi detorqueant. Nec Reges,  
quam

quantumvis optimi placere omnibus possunt. Atque his ex causis omnium est dissensionum origo. Huc accedit privatorum commodorum ratio, honorum ambitus, invidia, & obirectatio, quæ omnia, ubi vigent, (in magnis vero præcipue Rebus publicis, inter primores non possunt non vigere) ibi concordiae locus non est, publica commoda negliguntur. Sed de his niinis fortasse multa. Illud tamen non omittendum, ut nostrorum Senatus Consiliorum rata sit auctoritas, ex lege Anni 1717. maiorem suffragiorum partem satis esse.

10. Nunc id paucis demonstrandum est, quam eorum, qui pro Comite Bironio nituntur, studium nulli legum fulcro insitum, & pertinacius duntaxat specioso verborum colore, quam iustius defendatur.

Jam primum in confessu est, plerosque ex his Comitis Ernesti Bironis Fautoribus, cum in Anni 1758. Senatus Consilio maiori Senatorum parti refragarentur, nihil aliud allegasse, nihil dissensioni suæ prætextuisse, quam quod sine equestri ordine nihil novi decernendum esse existimarent, non illi tunc validam legem, non soliditatem diplomatis Comitis Bironii, tanquam legitime inaugurati allegabant, non potestatem Reipublicæ novi Ducis Curlandie constituendi insicabantur, quinimo, quod comitiis generalibus Feudi huius collationem reservandam esse pertenderent, ipsi insci, ac minime cogitantes, invictum contra Ernesti Bironii prætensum ius argumentum dedere. In ultimo vero Senatus consilio id censuerunt, quod nullomodo cum priore eorum sententia cohærere potest, ut non tanta ipsis cum reliquo senatu, quanta secum fuerit contentio, utque, cum tantoper sententiis variaverint, nullo modo suffragio suo ad bonum Patriæ, ad legum custodiam respexisse sint existimandi.

Nam differre ad trium ordinum cognitionem præsentem  
Curlandiæ Statum non est aliud, quam fateri Comitem Bi-  
ronium nunquam legitime, nec cum pleno Reipublicæ toti-  
us consensu Ducatus Curlandiæ possessionem accepisse. De-  
inde immutato loquendi tenore ius Bironii propugnare,  
eum legitimum, & ad mentem Reipublicæ legum possesso-  
rem esse asseverare, quid est aliud, quam priore pugnare cum  
sententia? quid enim opus erat comitiis? quid opus erat  
causam comitis Bironii ad ea reiicere, si indubitata eius (ut  
posteriore affirmatur sententia) possessio, si legitima, con-  
fessumque Reipublicæ, & servatas ea de re leges supponat?  
Tales tamque a se discrepantes sententiae, tan-  
quam ad libertatis quidlibet sentiendi, argumentum de-  
promptæ, possunt auctoribus suis nomen disertorum in u-  
tramque partem hominum comparare, sed a laude constantiae  
in bene sentiendo longissime absunt. Nam cum illi, quod  
Anno 1758. censuere, id 1763. contrario sensu evertant, ni-  
hil aliud, quam inviti ostendunt, eos, qui in censendo con-  
stantes sunt, quorumque pars maior est, & verissimè, & cum  
legibus congruerter sentire. Pars maior Senatus Anno 1758.  
censuit vigore constitutionis Anni 1736. plurimis ex causis  
supra iam allatis, Regio Principi Carolo Ducatum Curlandiæ  
in Feudum conferendum esse, in eadem re censenda ad An-  
num 1763. perseverat, perseverabitque. Pauciores Anno 1758.  
rem ad resolutionem trium ordinum referebant, nunc An-  
no scilicet 1763. indubitatum Curlandiæ Ducem Comitem  
Ernestum defendunt? Iudicent omnes Europæ gentes, uter  
sentiendi modus, & ratio æquitati, legibus, veritatique pro-  
pior sit, utram esse propriorem sit credibilius, num eorum  
qui secum ipsi penitus pugnant, an qui, quæ senserunt,  
constanter sentiunt.

12. De sigilli maiestatici usu lex *in vol. leg. Tom. I.* allegata fuit; cui quidem legi, nemo adversatur. Clarum tamen est, longe ante & latam, & usitatam fuisse, quam Ducatus Curlandiæ Regno per incorporationem jungeretur, multo vero post tam in *formula regiminis*, quam in pactis subiectionis cautum fuit, ut Diplomata Ducatum Curlandiæ concernentia Regni & Litvaniæ sigillo munirentur, plurimisque deinde Regni legibus, idem ipsum confirmatum iniunctumque est, ne actu, privilegia, & diplomata ad Curlandiam spectantia aliis, quam Regni & Litvaniæ impressa sigillis ederentur. Itaque iam inde a prima Gothardi Ketleri Institutione lex hæc sacrosancte servata, nec aliorum sigillorum usus fuit. In diplomate vero comitis Bironii hic gravissimus observatur defectus, nam & Maiestatico duntaxat sigillo munitum est, & in illo tamen per gravissimum errorum descriptum legitur. *Sigillo Regni, & M. D. Litvania.* Porro in rebus, quas nulli controversiae par est esse obnoxias, nulli diligentia parcendum est, ut *oblata*, cum originali concorderet, quod de comitis Bironii diplomate dici nequit.

13. Literæ deputatis ad Curlandiam Senatoribus datæ fidem eorum auctoritatis facientes in dubium vocatæ sunt, tanquam sigillo Magni Ducatus Litvaniæ, cuius tamen appositiō nullo iure denegata fuit, non munitæ. Quis tamen de earundem literarum robore dubitare audeat, cum toties contigisse recordetur, Deputatos in longe maioris momenti negotiis uno tantum Regni sigillo munitas suas fidei literas deferentes officii sui munus exercuisse, neque tamen id vitio unquam datum fuisse a Republica? *vid. inferius subtit. Collectio auditorum ad Ducatum Curland.*

14. Deputatus a statibus Curlandiæ Schopingius, habuit equidem in mandatis, ut pro comite Bironio laboraret, literis

literis tamen post ad illum missis iniunctum illi fuit, ut si liberandi e sua captivitate Bironii spes nulla affulgeret, Carolum Principem Regium omni studio a Rege, & Republica in Ducem Curlandiæ postularet. Propensissimam enim in se Curonum voluntatem, Princeps hic Regius, cum per Curlandiam iter faceret, egregiis suis dotibus & mirifica comitate comparaverat. Idem ille Schopingius egit omnia, quæ deputationi suæ mandata erant, cavit præcipue privilegiis suæ provinciæ tam in politicis, quam in spiritualibus, prospexit confessioni Augustanæ; Nec præcautioni huic Serenissimus Carolus Dux vel minimum quidquam contravenit, creato illico Curlandiæ Cancellario, unde clarissime constare potest, quam humanum, quam ab omni oppressione alienum Serenissimi Caroli Ducis in Curones sit Imperium, cum manu tenendo iura statuum huius Provinciæ, dissidentes de Religione dignitatibus, & honoribus extollat.

15. Hic locus est demonstrandi, quot titulis in Regum Poloniæ Maiestate, & supremum Polonæ Reipublicæ Dominium comes Ernestus reus sit, præcipue quod externæ potentiae arma & vim ausus est ad Curlandiæ Ducatum invadendum adhibere. Hac vi pro Comite Bironio, eiusque nomine usus est Simolinus, & Tribunus Schrodersius, conculta prorsus Regiæ Maiestatis, & Reipublicæ auctoritate. Hi homines ad comitem Bironum Ducem Curlandiæ agnoscendum militaribus adductis copiis cives Mittavienses coegerunt; pari agendi ratione, minis scilicet & terrore, Provinciæ illius nobilitatem ad defectionem traxerunt, rerum Curlanicarum debitam administrationem Carolo Regio Principi legitimo Curlandiæ Duci per summum nefas eripuerunt, extrema quæque minando summos Ducatus huius Consiliarios & ceterosque Magistratus a fide Principi suo debita,

bita, ab eius imperiorum editorumque reverentia violenter abduxerunt. Idem Simolinus minarum plenis per Ducatum sparsis epistolis, ius Comitis Bironii, quod nullum habuit, aut potius temeram eius Ducatus invasionem stabilire conatus est, severe per *formulam regiminis* prohibita conventicula nomine Comitis Bironii illicite haberri voluit & fecit, omnium austuum adiutore, & complice memorato Schrodersio Actus omnes Jurisdictionis supremi Dominii Serenissimi Regis, & Eius, (qui deputati erant) Senatorum impedivit, & sustulit, & civibus ad defectionem sollicitatis irritavit. Insuper Comes Ernestus Bironius eo audaciae processit ut per manus memorati tribani Schrodersii in comitatu aliquot Russorum militum Ecclesiae, & curiae affixum Sacrae Regiae Maiestatis rescriptum, quo mandata Serenissimi Regis ad omnes Curlandiæ status & incolas continebantur, inaudita temeritate avelli, & lacerari fecit, Ministeriali Regni, cuius securitati innumeris pene Regni legibus prospectum est, & uni è nobilibus cum Ministeriali ad Regium mandatum Plettembergio denunciandum venientibus violentas manus inferre non exhorruit, hosque omnes triginta horarum spatio carcere primum detentos, deinde pecunia spoliatos, per Russicum militem ignominiose traectos ultra limites Curlandiæ, extrusit, additis contumeliosis pedum, & manuum confractio[n]is minis, si eo unquam rediissent. Præterea conventionum primo occultum convocari fecit, in quo tam violenta manu, contra Illustrem Lipski Castellanum Lanciciensem, quam acriori stilo cum gravissima ipsius Regiae auctoritatis offensione, cuius literis munus Lipsii tanquam Plenipotentiarii firmatum erat, cum magno Senatorii ordinis *intermediae Reipublicæ auctoritatis* in illius Persona contemptu actum est, & collecta atque ad rebellionem pertracta ordinum communitas,

ad

ad plenam temeritatis & illegitimam manifestationem coa-  
eta, atque ad illud impium opus *actis generalibus curiae Varsaviensis* inserendum, quamvis irrito conatu, artibus, & insti-  
gatione atque impulsu Comitis Bironii animata, & inducta  
fuit; irrito inquam conatu, cum indignissimum videbatur,  
quo loco leges conduntur, quo ve multa ad Curonum fidem  
illibatam Regno præstandam sancita asservantur, illo loco  
memorabile eorum contumaciae monumentum recipi.

16. Nunc omni partium amoto studio ex hominibus  
recte sentientibus, optimèque in Patriam affectis quædere  
mihi liceat, num quidquam legitimi iuris Comiti Bironio, aut  
iustæ spei post tot edita facinora superesse potest? Nam  
ut iam hic iuramentum fidei ab eo non servatum omittam,  
hæc mota in supremum Curlandiæ Dominum, & Polonam  
Reipublicam perduellio, nonne eum penitus a Curlandiæ  
possessione arcebit? Quæsita apud externam gentem subsi-  
dia, pacis inde publicæ subsecuta violatio, & debilitandis  
infringendisque initis cum vicinis fæderibus suppeditata oc-  
casio (ut Russorum irruptione patuit) vis illata Ministeriali  
conatur omnis Regiæ iurisdictionis excutiendæ manifeste  
arguens, cuncta hæc an clienti fiduciario ullo pacto & impi-  
næ possunt congruere? aut a periurii, pessum datarum lo-  
gum, formulæ regiminis ac pectorum subiectionis violato-  
rum manifestissimo defendi crimine? An tot Carolo Regio  
Principi omnium Europæ Regum cognatione clarissimo illa-  
tæ per omnes artes, species & modos injuriæ ab ullo æ-  
qui amatore probari? Hoccine erat Serenissimæ Familiae tot  
Regibus ortæ, tot Régum procreatriæ ab eo expectandum,  
quem illa nullis eius inducta in se promeritis, nulla hominis  
dignitate excitata in Principis fastigio collocare munificen-  
tissimè conata est? quem semi mortuum suscitare, pristino  
splendori

splendori restituere studiosissime laboravit? Pertracta ad obsequium edictis Regiae Maiestatis denegandum Provincia idque seu ambitione, seu fiducia externarum virium, Curones factione Comitis Bironii tumultuantes, tanto cum auctoritatis supremi Domini detimento, cuncta haec quo alio nomine si non convulsionis legum ac criminum status, & laesae Maiestatis appellabuntur? aut cui ignotum esse potest, quam severae leges Regni eiusmodi ausus vindicent? quam rigide in autores statutum Curlandiæ præcipue paragrapho 209. (a) animadverti præcipiat, quam Paragrapho 214. (b) graviore adhuc supplicio puniendos esse decernat. Constat igitur ex hac tenus dictis, si quis leges Regni, si præscriptas in dandis investituris conditiones respiciat, Comitis Bironii investitaram, esse irritam, esse nullam, eum ad Ducatum Curlandiæ prorsus inidoneum, si quis violentam Curlandiæ externi exercitus ope factam ab eo invasionem perpendat, si facinora in usurpato hoc regimine ab eo contra superium Dominum patrata considereret, palam est, illum non modo usurpatione sua arcerendum, verum etiam in ius ad judicium Sacrae Regiae Majestatis illi proprium, & competens ex lege in formula regiminis Anno 1617. edita, & constitutionibus Anno 1736. inserta, omnino esse vocandum. Si lis inter Principem, & Nobilem unum, sive plures de possessioni-

D bus

- (a) Rei Læsæ Maiestatis, rebelles, Proditores, fama, vita & bonis priventur, & gladio feriantur, stat. & leg. Curlandiæ.
- (b) Raptiores, invasores, rerum suarum proprietarum, earum dominium perdant, alienarum autem, iure, quod habuerint priventur, & præter rem invasam, aut raptam estimatione eius rei invasæ, vel raptæ multentur, si rapinas iteraverint, sint infames.

*bus aliisque rebus orta fuerit, causa ea immediate coram Regia Maiestate intentabitur.* Atque hinc invicte deducitur, quod si legitimo Principi lis in Sacrae Regiae Maiestatis judicio intentari possit, multo magis liceat, imo necesse sit Comitem Bironum Ducatus Curlandiæ verum usurpatorem ac inversorem, *ad judicia relationum propria* in ius vocare.

17. Jam vero quum scriptio[n]is huius auctor Polonum se esse fateatur, legum patriarchum peritum, ita sibi Divinum numen vult esse propitium, ut ille nullius lædendi studio, sed amoris in Patriam, grataque in eam animi causa haec scribenda suscep[er]it. Agnoscit ergo, ulti[ro]que fatetur, diuturnam cum Russis pacem, omniaque propensi animi Russorum in nos argumenta, & cultam hactenus amicitiam, salutarem patriæ Nostræ, utilissimamque semper fuisse, nec id negat omni ope nobis enitendum esse, ne vel levissimum Regnum nostrum inter, & hanc Potentiam simultatibus aditus aperiatur. Hoc igitur amicitiae semper colendæ studio ita proposito, fatendum nihilominus est, istam susceptæ legum nostrarum tutelæ, atque curæ jactationem Patriæ nostræ esse perquam iniuriam. De nullis eiusdem harum legum, quibus præcipue nostra stat Republica immutandis, aut antiquandis, quod sciām, apud nos agitur, sed & si ageretur, aut discriminē earum alicuius subvertendæ immineret, certe ea in re solius summo Dei arbitrio Republica suprema sui iuris Domina subesset, nec ab ullo externo penderet Principe. Cur enim, si Germaniæ Hispaniæ, Galliæ, Angliæ, Russiæ Regna, & imperia leges suas antiquare, & novas ferre possunt, id Polonis, liberrimæ sub cœlo Genti non liceret. Quanquam, ut iam innuimus, nulla nobis de mutanda ulla fundamentalium legum est controversia, nulli tamen

tamen externæ unquam potentia se se ullo sub colore rebus nostris imgerendi ius dedimus. Nemo igitur offendere debet, si ab eo postuletur, ut diligenter cogitare velit, quantum inter conciliatorem pacis, & initæ vindicem, pactorumque exactorem, discrimen interficit. Et Mediatoris quidem potest inter pares officium suscipi; at stipularum utrinque conditionum defensoris, & Patroni non potest. Et conciliatoris mediatorisque munus meris duntaxat expletur officiis. Initæ vero pacis custodes, vindices ac Patroni, viribus, & bello etiam, quæ sibi partes spoponderunt, defendunt, ac tutentur. Allegatur in dicto superius *Memoriali Anni 1716.* tractatus quidam Serenissimi Augusti II. cum Republica, asserturque eius tractatus vi Russiam esse legum nostrarum Patronam ac vindicem constitutam. Sed adeundus est hic Tractatus, attenteque legendus, hæc ibi duntaxat reperiuntur. Serenissimo Petro S. amicam suam operam per Legatum suum Dolhorukium interponente, *pax* statuitur. Et ad finem Tractatus hæc subiunguntur. *Cui rei mediator Dolhorukius Legatus nomine sui Princepis subscribit.* Evincitur ergo hinc mediatoris Officium, sed de legum nostrarum tutela ac patrocinio ne verbum quidem. Quid multis? Ultra amicam interpositionem, & Mediatoris partes, nihil. Reipublicæ etenim cum Rege suo concordiam ineunti nullius opus erat patrocinio. Filii enim tunc cum Parente redibant in gratiam, nulla externa ope ad obtainenda, quæ sibi mutuo stipulabantur, indigebant. Datum est igitur tunc amicitiae, quæ maxima Augusto II. cum Petro intercedebat, datum est Petri honori, cum eius *Mediatio* acceptaretur. Nulla tamen inde tutelæ ac Patrocinii umbra eruitur, aut erui potest. Solenne quidem est, ut Principes securitatem alicuius Provinciæ eius defensionem sibi polliceantur, & caveant. Sed

ut interni Regiminiſ, & legum Patroni, ac Fautores admittantur, hoc enim vero liberrimi Regni Civibus intolerandum esset. Nil moramur Vestphalicos Tractatus, nec solliciti ſumus, quid ibi iuris Germani Gallis confeſſerint; in Regno noſtro huius rei, nullum, quod ſciam, hactenus exemplum extat.

18. Hinc inferendum eſt, quam egregiè noſtri ſtatus Miniftri, quid ſibi, quid Reipublicæ debeat, ſentire ſe oſtenderent, ſi nullum ſcriptum, in quo eiusmodi legum noſtrarum tutelæ vel mentio inveniatur, acceptandum ſibi eſſe ducerent, exiſtimarentque ſe, quo minus id faciant, Honoris Reipublicæ, & celeberrimæ poſt homines natos Polonæ libertatis ratione prohiberi. Mihi interim ſatis ſit oſtendiffe, quam hæc curæ rerum noſtrarum significatio nobis ſit & indecora, & injuria.

19. Male in Patriam iſ affectus eſſet, qui ei amica cum vicinis fædera non optaret. Hæc equidem nobis Ruſſorum Imperatrix firmiter ſe ſervaturam declarat, & noſtræ plurimum intereſt ad illam in hoc erga noſ sensu conservandam plurimum operæ ſtudiique contribuere. Quod tamen eſt cum legum libertatisque noſtræ detriamento, id proſpicere ne eveniat, & præcavere, id demum boni Civis puto eſſe officium. Atque hæc providentia, nec Imperatricem offendere debet, utpote in id unice intentam, ne ea, quæſide fæderum, & publica pace conſtat, Eius, & vicinorum felicitas diminuatur, nec quemquam alium. Porro id indubitatum eſt, Senatorii, & Ministrorum Status muneris eſſe, meminifſe, hanc Eorum juramenti præcipuam fuſſe partem. Avertam, quidquid nocivi ſcivero.

Punctum Secundum ex Resultato Senatus  
Consilii Anni 1763.

IN Feudo Reipublicæ, videlicet Ducatibus Curlandiæ, & Semigallia, quos non amore Paterno impellente, verum virtute Constitutionis Anni 1736. post fata ultimi de stirpe Ketleriana Ducis Ferdinandi, Serenissimo Principi Regio Carolo, Filio suo, Sacra Regia Maiestas, sapientis æque, ac iusti Regis partes adimplendo, contulit per solennem investituræ actum Anno D. 1759. ac homagium ab eodem in persona ad formam Legum præstitum recepit. Quandoquidem idem Serenissimus Princeps Carolus Curlandiæ, ac Semigallia Dux, translapso iam pacatissimæ possessionis quadriennio, ad præsens a Joanne Ernesto Comite Biron, nullo iure se se tuente copiis militaribus exteris stipato, ac munito interturbatur, Sacra Regia Maiestas integra iura solii sui, Reipublicæque, ac Serenissimi Ducis Curlandiæ, & Semigallia tranquillam possessionem conservare peroptans, exploratum sibi habens ea in re, laudabilem Senatus Zelum, votisque Eius ardentibus annuendo, mandat Generosis Regni, & M. Ducatus Lithuaniae Instigatoribus, ut Auctoritate Sacrae Regiae Maiestatis, ubi de iure venerit, eundem Joannem Ernestum Biron, ex titulo possessorum in Curlandia, & Semigallia honorum, quantocius citari faciant, quod Ducatus Curlandiæ, & Semigallia cum auxilio militis exteri impetere, ibidemque nobilitatem in partes suas trahere, ad fidem juramento obstrictam frangendam vi militis exteri adigere, ac ad alios temerarios, contra Sacram Regiam Maiestatem, Rempublicam, & Serenissimum Carolum legitimum Ducem actus perpetrandos, illata violentia, cogere, Rescriptorum Sacrae Regiae Maiestatis inaudito ausu dilacionem

rationem causare, per quae præmissa, ac alia huiuscmodi  
innumeræ, multiplicita attentata, Maiestatem, & supremum  
Reipublicæ Dominium lædentia, perpetrare ausus sit, &  
præsumpsit: Incolas quoque eorundem Ducatum, par-  
tes eius sequentes fidefragos, complicitatis reos, ubi de iu-  
re venerit, pro infligendis congruis pænis vocari mandat.  
Siquidem vero Senatus præsentis Zelus præclare se exhibet,  
ad tuenda iura intuitu recensiti Feudi Ducatum Curlandiae;  
& Semigalliae, Sacræ Regiæ Maiestati, Reipublicæ, ac Se-  
renissimo Duci competentia, proinde ne quæcumque con-  
tra eadem iura attentata, vel attentanda, quidquam Reipu-  
blicæ detrimenti inferant, Senatus solemniter præcustodit.

Quamvis graviter Sacra Regia Maiestas doleat, quod  
multis vicibus paterna sua cura convocata Comitia, tam ordi-  
naria, quam extra ordinaria irrito eventu evanuerint, nihi-  
lominus pro eo amore, quo bonum Reipublicæ, quo  
prosperitatem Populi sui prosequitur, dignabitur paternos  
suos conatus ad reparandam tot ruptorum comitiorum ia-  
cturam intendere, atque ad vota Senatus, Comitia extra or-  
dinaria ob publicas urgentes rationes in præsenti Statu Rei-  
publicæ, Sacra Regia Maiestas tempore & loco, intra Re-  
gnum sibi bene visis, indicere declarat.

Magnificorum Constantini Ludovici Plater Palatini  
Mscislaviensis, ac Thadæi Lipski Castellani Lanciensis, uti  
suorum in negotiis publicis Plenipotentiariorum in iisdem  
Ducatibus gesta, Sacra Regia Maiestas, plene approbare di-  
gnatur, iniungens Eisdem, ut diutius ibidem maneant, Se-  
renissimo Principi Carolo Duci Curlandice, consiliis suis ad-  
fint, integratique iurum Sacræ Regiæ Maiestatis, Reipu-  
blicæ & Serenissimi Dicis invigilent, ac optimos eorundem  
Ducatum cives, qui se in illibata Fidelitate, erga Sacram  
Regiam

Regiam Maiestatem, Rempublicam, & Serenissimum Du-  
cem suum conspicuos reddiderunt, reddereque pergunta,  
nomine Sacrae Regiae Maiestatis, & Reipublicae certos faci-  
ant, praestandæ sibi remunerationis: quod vero virtutem  
Eorum, ita, ut merentur, attinet præmiandam, occasiones  
captare Sacra Regia Maiestas beneficentiae suæ esse ducet.

VLADISLAUS LUBINSKI Archi-Episcopus Gnesnensis

Primas Regni & M. D. L. *mp.*

CAJETANUS SOŁTYK Episcopus F. BIELINSKI M. W.K.  
Cracoviensis Dux Severiæ. *mp.*

JOSEPHUS ANDREAS Zaluski E. T. WESSEL S.R. T. *mp.*  
piscopus Kiioviensis & Czerniech:

ADAMUS KRASINSKI Episcopus JERZY MNISZECH M.  
Camerencensis Podoliæ. *mp.* N. K. General Wielko:  
JAN BRANICKI K.K. H.W.K. *mp.* JOSEPHUS Dux SAN-  
VENCESLAUS RZEWUSKI Pala. GUSZKO Marechal:

Cracoviæ Dux Campestris Exer- Curiæ M.D.L. *mp.*  
citum Regni. *mp.*

ANTONIUS JABLONOWSKI Palat: Posnanensis *mp.*  
CAROLUS Dux RADZIWIL Palatinus Vilnensis *mp.*

THOMAS SOŁTYK Palatinus Lanciciensis. *mp.*  
F. S. POTOCKI Palatinus Terrarum Kiioviæ. *mp.*

ANTONIUS LUBOMIRSKI Palatinus Lublinensis. *mp.*  
ALEXANDER SAPIEHA Palatinus Polocensis Dux Campe-  
stris M. D. Litt: *mp.*

MICHAEL RUDZINSKI Palatinus & Generalis Terrarum  
Ducatus Masoviæ. *mp.*

STA-

STANISLAUS BERNARDUS GOZDZKI Palatinus Po-  
dlachiæ. *mp.*  
J. in Ducatu Ostrogensi Jabłonowski Palatinus Bracłaviensis.  
JOANNES AUGUSTUS HYLZEN Palatin: Minskensis.  
PETRUS MIĘCZYSKI Palatinus Czerniechoviensis *mp.*  
IGNATIUS TWARDOWSKI Castellan Posnaniensis *mp.*  
ADAMUS JORDAN Castellanus Voynicensis. *mp.*  
ROCHUS ZBIEWSKI Castellanus Gnesiensis *mp.*  
MATHIAS LANCKORONSKI Castellan Kiłoviensis. *mp.*  
ADAMUS BRZOSTOWSKI Castellan Polocensis. *mp.*  
MICHAEL in Suffczyn SUFFCZYNSKI Castellanus Xe-  
mensis. *mp.*  
ANDRZEY ABRAMOWICZ Kasztelan Brzeski Litewski.  
FRANCISCUS CZAPSKI Castellanus Culmensis. *mp.*  
JOZEF SKUMIN TYSZKIEWICZ Kasztelan Mscislawski.  
JOANNES ANTONIUS CZARNECKI Castellanus Bra-  
claviensis, Stanislaviensis Capitanus. *mp.*  
STEPHANUS KUNICKI Castellanus Chełmensis. *mp.*  
ANTONIUS JA. R. ROSTWOROWSKI Castellanus Zakro-  
cimensis. *mp.*  
JOANNES NOWOSIELSKI Castellanus Czechanoviensis.  
*mp.*

Collectio Actuum ad Ducatum Curlandiae  
spectantium uno Regni Sigillo  
Communitorum.

1. **P**rovisio Ducalis, Actum Vilnae die 28. Nov. 1561.  
collatum cum originali Harum testimonio litera-  
rum, quibus in fidem Sigillum nostrum præsentibus  
est sub appensum.

2. Pacta Subiectionis. Datum Vilnæ feria sexta post Festum s<sup>e</sup> Catharinae Anno 1561.

Sigillum nostrum presentibus est &c.

3. Incorporatio Ducatus Curlandiæ, & Semigalliae cum Regno Poloniæ Dat. Lublini die 3. Aug. 1569.

(L.S.)

4. Responsum Sacrae Regiae Maiestatis Generosis Brunnew Cancellario, ac Samueli Anfabro Consiliariis, & Orationibus &c. Vilnæ die 31. Mai 1581. In quorum fidem Sigillum Nostrum, est subimpressum. &c.

STEPHANUS REX.

(L.S.)

5. Factorum Subiectionis Livoniæ Anno 1561. Vilnæ initiorum Confirmatio, & approbatio. Dat. Varsaviae die 12. Aprilis 1615. & Sigillo Regni communiri mandavimus.

SIGISMUNDUS REX.

(L.S.)

6. Responsum Sacrae Regiae Maiestatis Generosis Fircks, & Georgio Vischer de Vitehdene, Datum die 24. Mensis Aprilis Anno 1638.

VLADISLAUS REX.

Jacobus Maximilianus Fredro

(L.S.) Succamerarius Praemist Regens Cancellariae Regni.

8. Renovatio Inseudadionis, & Investituræ Illustrissimi Principis Dominio Jacobo Curlandiæ & Semigalliae Ducis Datum Varsaviae die 28. Maii 1649.

JOANNES CASIMIRUS REX.

(L.S.) Andreas Trzebicki Regens Cancellariae Regni Maioris.

E

9. Re-

9. Reversales binæ Regis Poloniæ Joannis Casimiri, & Ordinum eiusdem Regni erga Jacobum Ducem Curlandiæ &c. Datum Varsaviæ die 1. Aug. 1652.

JOANNES CASIMIRUS REX.

Albertus Gorayski Præpositus

(L.S.) Crufuicensis Sacræ Regiæ

Maiestatis Secretarius.

10. Literæ Universales ad incolas Districtus Piltinensis &c. Dat. Varsaviæ diae 25. Julii Anno 1661.

JOANNES CASIMIRUS REX.

(L.S.) Joannes Ignatius Bakowski

Succamerarius Culmensis.

11. Responsum a Sacra Regia Maiestate Generosis Wilhelmo a Rummel Burgravio, Consiliario, & Ablegato Illustr. Curlandiæ Ducis. Dat. Varsavia die 6. Aug. 1661.

Ad mandatum S. R. Mts pro-

(L.S.) prium Stanislaus Lipski Scho-

last. Vars. S. R. M. Secretarius

12. Conservatio Nobilitatis Curlandiæ circa Libertatem Mercaturæ Dat. Cracoviae die 16. Aprilis Anno 1676.

JOANNES REX. IV

Stanislaus Wilovicki

(L.S.) Regens Cancellarie

Regni.

13. Literæ Rescripti ad Generosos supremos Consiliarios, totamque Nobilitatem, & incolas Ducatum Curland. & Semig. post obitum Ferdinandi 1737.

AUGUSTUS REX.

(L.S.)

14. Rescriptum ad Generosos Supr. Cons. totamque nobilit. die 27. Octobris 1741.

AUGUSTUS REX.

Theodorus de Howel Canon. Metr.

(L.S.) Gnesn. Præp. Inf. Cam. S. R. M.  
& Sigilli Maioris Secret.

15. Expeditio Commissionis, et Literæ Credentialles predict. Commissariis ad statutus Ducatus Curland. et Semigalliae die 8. Iunii 1642.

VLADISLAUS REX.

Jacobus Maximilianus

(L.S.) Fredro Regens Cancellariae Regni.

## SUPPLEMENTUM.

Ex Pacto subjectionis, ex constituta forma Regiminis, ex Commissariorum Decretis, & ex publicis scitis  
Statuum Curlandiæ.

L PLurimae exterorum Familiae Nobiles, ignobiles. que in Curlandiam, partim ante eius cum Regno iunctionem, partim post sub Friderico Principe praesertim commigrarunt, quarum plurimarum, cum et nobilitas, et natio incerta esset, quo huic confusione occurseretur, Tribunal quoddam Sacrae Regiae Maiestatis, et Reipublicæ auctoritate (Ritterbanck dictum) tanquam praefens huic malo remedium institutum est.

II. Huius iudicij partes erant, antiquas; & Nobiles familias, a novis, & ignobilibus secernere, illas libertatum, privilegiorum & bonorum possidendorum capaces, has vero ad ea omnia inhabiles, & inidoneas declarare.

III. In Regiminis edita formula per Serenissimos Reges idem statutum fuit; dum hæc ibi leguntur verba: *Dummodo inter hos, qui vere Nobiles sunt, & eos, qui plebeii, iudicio a nobis constituto, (quod Ritterbank vocatur) legitimum discrimen fiat.* Cui mandato nobilitas una cum Duce suo tunc subscripterat.

IV. Hoc nobilium iudicium habitum fuit primum Anno 1620. 13. Octobris, deinde Anno 1634. die 20. Julii.

V. Actis huius iudicij de nobilitate cuiusque investiganda instituti eorum omnium Nomina inserta sunt, quorum Nobilitas publicae famae testimonio, armorum gentiliorum productione, literarum, privilegiorum Diplomatum illis ab Imperatoribus, & Regibus concessorum documentis probata fuit.

VI. Contra iisdem in actis horum quoque Nomina inveniuntur, qui eiusdem iudicij decreto, ab omnibus nobilium iuribus, & privilegiis amoventur ibique hæc verba leguntur. Quamdoquidem in Joannis Gracwingshoff, & Mathiae Bühren productis documentis requisitae per Regni Poloniae Constitutiones, & vigore huius iudicij necessariae conditiones non inveniantur, idcirco Mathias Bühren pro nobili habendus non est.

VII. Monumenta Curlandiae de nulla alia Familia Bühren, praeter eam, quæ sub nomine de Biron nota fuit, quæque Anno 1730. ius indigenatus sibi procuravit, ne minimam quidem facit mentionem.

VIII.

VIII. Juxta leges fundamentales, Curlandiae, & Semigalliae Ducatum; inter jus Nobilitatis & Indigenatus, plurimum interest. Primum etenim Commendatione Ducis, & Nobilium magnis meritis, & virtutibus suffulta per Regni Constitutionem acquiritur. Alterum vero vestitis, & nec minimum quidem suspectae Nobilitatis Familia, matura deliberatione praecedente in publico Statuum Conventu concedi solet.

IX. Quærendum igitur est, utrum Comes Ioannes Ernestus Bironius. Anno 1730. in publico ordinum Curlandiae congressu de more hujus Provinciae indigenatum obtinuerit?

X. Memoratus Ioannes Ernestus, Comes Bironius yera est Mathiae Büren posteritas, qui ut supra ostensum est, judicio eam in remi instituto 1634. omnis Nobilitatis expers est declaratus.

XI. Neque Mathias Büren, neque ejus Filium Ioannes Ernestus Bironius in Nobilium numerum commendatione Principis, & Nobilitatis per ullam Constitutionem cooptatus fuit. Quod vero ad jus Indigenatus attinet, certum est, illud, nisi indubitate Nobilitatis homini concedi non potuisse. Unde inferri debet collatum Comiti Bironio. Anno 1730: Indigenarum irritum, ac nullius roboris esse.

XII. Comes Ioannes Ernestus, si gentis de Büren est, nullo pacto esse Nobilis potest, aut Curlandiae Ductus Indigena; cum enim Indigenatus jus illi conferretur, non fuit Nobilis. Quod si se è Domo Bironiorum esse vult, sequitur Eum Nationis Curlandiae non esse, Nemo enim hoc nomine, aut domicilium in Curlandia habuisse aut fuisse perhibetur. Vera autem Bironum Familia cum ultimo

ultimo hujus Gentis hærede Mareschalco Franciæ, reg' nante  
Henrico Magno, pænitus extincta est.

Ex his omnibus nihil superest, quam ut quisque  
diligenter hæc secum reputet, num Polona Respublika fer-  
re possit, ut is qui eo tempore, quo jus Indigenatus con-  
ferebatur, non solum in Nobilium, sed ne in Civium qui-  
dem erat numero, ut is hæreditario jure Amplissimum  
hunc Ducatum teneat. An non plena dedecoris hæc ab  
omnibus Europæ Gentibus haberetur iniquitas, si ejusmo-  
di homini Gens tot partis sanguine suo decoribus, tanta-  
que fama inclita subiiceretur? & quae fraterno quodam jure  
Polonis conjuncta est, in æternum obsequium homini perpe-  
tuæ servituti addicto dederetur? an hoc, cum illa Republi-  
ca, quæ suis dat jura Regibus, congruere potest, ut perferat  
hominem suis conculcatis juribus, vi & armis Feudum su-  
um invadentem ut aequo animo post suum, quem in oeu-  
lis ferre debet Principem, secundo loco, tam nikili ho-  
minem colat, & veneretur? Judicent hoc omnes Sapientis-  
sime Europæ totius Nationes.

